



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno DCCCCX. ad annum MLXXIII.

Parisiis, 1644

Capitvla Incerti Avctoris, Loci, Et Temporis, Ad Ecclesiae regimen
congesta.

urn:nbn:de:hbz:466:1-15625

CAPITVLA INCERTI AVCTORIS,
LOCI, ET TEMPORIS, AD ECCLESIAE
regimen congesta.

TITVLI CAPITVLORVM.

- Ex manu-
scripto col-
legii Cor-
poris Chri-
sti Cantabr.
- I. *De munere & dignitate sacerdotum.*
 - II. *Quod sacerdotes debent orationi & lectioni incumbere.*
 - III. *Quod vacantes opificium exercant manuale.*
 - IV. *Ad Synodum venientes quid secum ferent.*
 - V. *Vt panis, vinum & aqua in Missa sint mundissima.*
 - VI. *Vt femine ad altare in celebrazione non accedant.*
 - VII. *Vt sacerdos solus non celebret.*
 - VIII. *Vt nihil non sanctum ponatur in ecclesiis: non messes, non fenum, &c.*
 - IX. *De non sepeliendo in ecclesiis, &c.*
 - X. *Vt in ecclesiis non sint vaniloquia, &c.*
 - XI. *Vt Missa non celebretur nisi in loco sacro.*
 - XII. *Vt femina non habitet cum sacerdote.*
 - XIII. *Vt sacerdos ebrietatem & tabernas fugiat, & inordinata etiam conuiua.*
 - XIV. *Vt sacerdotes aliorum parochianos ad se non alliant ob contrahendas decimas.*
 - XV. *Vt sacerdos alterius clericum non subducat.*
 - XVI. *De presbytero qui dato munere alterius ecclesiam ambierit.*
 - XVII. *Vt nullus presbyter agrotantem parvulum recuset baptizare.*
 - XVIII. *Vasa sacra non profananda.*
 - XIX. *De scholis in ecclesiis.*
 - XX. *Vt presbyteri per villas scholas habeant, & gratis parvulos doceant.*
 - XXI. *De vita sanctius instituenda praecepta plurima.*
 - XXII. *De oratione dominica & symbolo discendis.*
 - XXIII. *De mane & vespere orando.*
 - XXIV. *De die dominica cantius celebranda.*
 - XXV. *De suscipiendis hospitibus sine munere.*
 - XXVI. *De periurio.*
 - XXVII. *De falso testimonio.*
 - XXVIII. *Vt sacerdos quilibet modo aliquo plebem doceat.*
 - XXIX. *De formula orandi.*
 - XXX. *De eodem, & de confessione.*
 - XXXI. *De peccatis in confessione enumerandis.*
 - XXXII. *Vt opera caritatis quisque faciat, & quonam modo fierint.*
 - XXXIII. *De mutuis parentum & liberorum officiis.*
 - XXXIV. *De vera caritate.*
 - XXXV. *Vt decima & eleemosynam ex negotiatione debeantur quam e fructibus.*
 - XXXVI. *Vt in hebdomada ante quadragesimam confessiones & paenitentiae fiant, &c.*
 - XXXVII. *De observatione quadragesime.*
 - XXXVIII. *Vt ieunantium cibus pretermisssus panperibus erogetur.*

- XXXIX. *Vt ieunium non soluatur ante vesperas.*
 iunio remittendis.
- XL. *A quibus rebus & quomodo abstinentum sit.*
 XLIII. *Vt coniuges inuicem se iam abstineant.*
- XLI. *De crebra corporis & sanguinis Domini susceptione in quadragesima.*
 XLIV. *Vt populus excitetur ad crebram corporis & sanguinis Domini susceptionem, &c.*
- XLII. *De litibus & debitis in ie-*
 XLV. *Vt Missa publica non officiat peculiaris.*

P RÆ F A T I O.

OBSECRO vos, fratres dilectissimi, vt erga subditarum plebiū profectū & emendationē vigilantissima cura laboretiſ; qualiter illiſ viam salutis ostendenteſ, & eos verbiſ & exempliſ instruenteſ, & vos de eorū profeſtu, & nos de veſtræ fidei agro, Domino noſtro Iefu Christo auxiliante, fructuоſos illi manipuloſ reportemuſ. Obſecro etiam fraternitatē veſtrā, vt hæc capitula, quæ ad emendationē vitæ breuiter digeffi, affidue legatiſ, & memoriae veſtræ commendeteſ. Et bonoruſ operuſ cultibuſ, ſiuſ ſanctoruſ scripturaruſ lectionibuſ componatiſ vitam, & emendetis, & cum ſubditis plebibuſ, opitulante Domino, ad regna cæleſtia pergere certetiſ.

C A P I T V L A.

I.

Veraciter noſſe debetis, & ſemper meminifſe, quibus regendarum animarum cura commiſſa eſt: & pro hiſ qui negligentia noſtra pereunt, rationeſ reddituri ſumus; pro hiſ vero, quoſ verbiſ & exempliſ lucratifi fuerimuſ, præmium aeternæ vitæ percipiemuſ: nobis enim a Domino dictum eſt: *Vos eſtis ſal terraे.* Quod ſi populuſ fidelis cibuſ eſt Dei, eiusdem cibi condimentuſ nos ſumus. Scitote veſtrum graduſ eſſe noſtro gradui ſecunduſ, & pene coniunctuſ eſſe. Sicut enim epifcopi apostoloruſ in ecclieſia, ita nimiruſ presbyteri ceteroruſ diſcipuloruſ Domini vicem tenent; & illi tenent graduſ ſummi pontificis Aaron; iſti vero filioruſ eius: vnde oportet noſ memoreſ eſſe tantæ dignitatis, memoreſ veſtræ confeſerationiſ, memoreſ ſacræ, quam in manibus ſuſcepitiſ, vniōniſ; vt nec voſ ab eadem dignitate

Rrr iii

degeneretis, nec vestram consecrationem irritam faciat, nec manus sacra vñctione delibutas peccando pollutatis: sed cordis & corporis munditiam conseruantes, plebibus exemplum bene viuendi præbentes, his, quibus præfatis, ducatum ad cælestia regna præbeat. ¶

I I.

Oportet vos assiduitatem habere legendi, & instantiam orandi, quia iusti viri vita lectione instruitur, oratione ornatur, & assiduitate lectionis munitur homo a peccato, iuxta illum qui dicebat: *In corde meo abscondi eloquia tua, vt non peccem tibi.* Hæc sunt enim arma, lectio videlicet & oratio, quibus diabolus expugnatur; hæc sunt instrumenta, quibus æterna beatitudo acquiritur; his armis vitia comprimuntur; his alimentis virtutes nutritur. ¶

I I I.

Sed & si quando a lectione quis * esset, debet manuum operatio subsequi, quia otiositas inimica est animæ, & antiquus hostis, quem a lectione, siue ab oratione, siue ab operatione vacantem inuenit, facile ad vitia rapit, per vsum namque lectionis discitis, qualiter & vos recte vivatis, & alios doceatis: per vsum orationis, & vobis, & his, quibus in caritate coniuncti estis, prodefesse valebitis. Per manuum operationem & corporis macerationem, & vitiis alimentum negabitis, & vestris necessitatibus subuenietis, & habebitis quid ad necessitatem patientibus porrigitatis. ¶

I V.

Quando more solito ad Synodum conuenitis, vestimenta, & libros, & vasa sancta, cum quibus vestrum ministerium & iniunctum officium peragatis, vobiscum afferte: nec non duos aut tres clericos, siue laicos, cum quibus Missarum solennia celebretis, vobiscum adducite: vt probetis quam diligenter quamque studiose Dei seruatum peragatis. ¶

V.

Panes, quos Domino in sacrificium offertis, aut a vobis ipsis, aut a vestris pueris, coram vobis nitide ac studiose fiant. Et diligenter obseruetis, vt panis, & vinum, & aqua, sine quibus Missæ nequeunt celebrari, mundissime atque

studiose tractentur. Et nihil in his vile, nihil improbatum inueniatur, iuxta illud quod ait scriptura. *Sit timor 2. Par. 9.*
Domini vobisum, & cum diligentia cuncta facite. Vinum cruciatum significat quem pro nobis sustinuit Dominus noster; aqua populum, pro quo sanguinem suum effudit Christus.

VI.

Feminæ, Missam sacerdote celebrante, nequaquam ad altare accedant, sed locis suis stent: & ibi sacerdos eorum oblationes Deo oblaturas accipiat: memores enim esse debent feminæ infirmitatis suæ, & sexus imbecillitatis, & idcirco sancta quælibet in ministerio ecclesiæ contingere pertimescant: quia & iam laici viri pertimescere debent, ne Ozæ poenam subeant, qui dum arcum Domini extra ordinationem contingere voluit, Domino persecutiente interiit.

VII.

Sacerdos Missam solus nequaquam celebret, quia, sicut illa celebrari non potest sine salutatione sacerdotis, & responsione plebis, admonitione sacerdotis nihilo minus pleb.... ita nimirum nequaquam ab uno debet celebrari: esse enim debent qui ei circumstant, quos ille salutet: a quibus ei respondeatur, & ad memoriam illi reducendus est ille dominicus sermo: *Vbicunque fuerint duo vel LUC. 19.*
tres in nomine meo congregati, ibi sum & ego in medio eorum.

VIII.

Videmus crebro in ecclesiis messes & fenum congeri. Vnde volumus vt hoc penitus obseruetur, vt nihil in ecclesia præter vestimenta ecclesiastica, & vasæ sanctæ, & libri recondantur. Ne forte si alia ibi quam oportet negotia exerceantur, a Domino audiamus: *Domus mea do-* *LUC. 19.*
mus orationis vocabitur, vos autem fecistis eam speluncam latronum.

IX.

Antiquus in his regionibus in ecclesiis sepeliendorum mortuorum usus fuit, & plerumque loca diuino cultui mancipata, & ad offerendas Deo hostias præparata, cemeteria siue polyandria facta sunt idem tumulis mortuorum. Vnde volumus vt ab hac re deinceps abstineatur. Et nemo in ecclesia sepeliatur, nisi forte talis sit persona

facerdotis, aut cuiuslibet iusti hominis, qui per vitæ meritum talem viuendo suo corpori defuncto locum acquisuit. Corpora vero, quæ antiquitus in ecclesiis sepulta sunt, nequaquam proiiciantur, sed tumuli quia apparent, profundius in terram mittantur. Et paumento desuper facto, nullo tumulorum vestigio apparente, ecclesiæ reuerentia seruetur. Vbi vero tanta est multitudo cadaerum, vt hoc facere difficile sit, locus ille pro * mysterio habeatur. Ablato inde altari, & in eo loco constituto, vbi religiose & pure Deo sacrificium offerri valet.

X.

Non debere ad ecclesiam ob aliam causam conuenire, nisi ad laudandum Deum, & eius seruitium faciendum, statuimus. Disceptationes vero & tumultus, & vaniloquia, & ceteræ actiones ab eodem sancto loco penitus prohibendæ sunt. Vbi enim Dei nomen inuocatur, Deoque sacrificium offertur, angelorum inesse frequentia non dubitatur, periculosest tale aliquid dicere vel agere quod sancto loco non conuenit. Si enim Dominus illos de templo eiecit qui victimas quæ sibi offerebantur emebant vel vendebant, quanto magis illos iratus inde abiiciet, qui mendaciis, vaniloquiis, risibus, & huiuscemodi nugis locum diuino cultui mancipatum fœdant.

XI.

Missarum solennia nequaquam alibi nisi in ecclesia celebranda sint, non in quibuslibet domibus & in vilibus locis, sed in loco quem elegerit Dominus, iuxta illud quod scriptum est: *Vide ne offeras holocausta tua in omni loco quem videris, sed in loco quem elegerit Dominus, ut ponat nomen suum ibi.* Exempta ratione eorum qui in exercitu per gentes ad hoc opus habent, tentoria & altaria dedicata, in quibus Missarum solennia expleantur.

XII.

Nulla femina cum presbytero in vna domo habitet, quamuis enim Canones matrem, & sororem, & huiuscmodi personas, in quibus nulla sit suspicio, cum illo habitare concedant, hos nos modis omnibus idcirco amputamus, quia in obsequio, siue in occasione illarum veniunt alias feminæ, quæ non sunt ei affinitate coniunctæ, & eum ad peccandum illiciant.

XIII.

* lege
cemete-
rio, in-
ta Conci-
lii Mel-
densis.

Dent. 16.

XIII.

Obseruandum vobis est, vt & vos ab ebrietate abstineatis: & vt plebes vobis subditæ abstineant se, illis prædicetis: & neque per tabernas eatis bibendo, aut comedendo, neque aliorum domos, aut vicos, curiositate quilibet peragretis: neque cum feminis, aut cum quibuslibet & impuris personis conuiuia exerceatis; nisi forte parterfamilias quilibet vos ad domum suam inuitauerit, & cum coniuge sua & prole velit vobiscum spirituali gaudio lœtari, & verborum vestrorum refectionem accipere, & vobis refectionem carnalem caritatis officio exhibere. Oportet enim vt si quando quilibet fidelium carnalibus vos reficit epulis, a vobis reficiatur epulis spiritualibus.

XIV.

Nullus presbyter fidelibus sanctæ Dei ecclesiæ de alterius presbyteri parochia persuadeat vt ad suam ecclesiam concurrant, relicta propria ecclesia, & suas decimas sibi dent. Sed vnuſquisque sua ecclesia & populo contentus, quod sibi non vult fieri, alteri nequaquam faciat, iuxta illum euangelicum sermonem: *Quæcumque vultis ut faciant vobis homines, haec eadem facite illis:* Matth. 7. Quisquis autem contra hæc constituta venerit, aut his monitis nostris reniti tentauerit, aut gradum se sciat amissurum, aut in carcere longo tempore detinendum.

XV.

Hoc quoque modis omnibus prohibemus, vt nullus vestrum alterius clericum sollicitet, aut recipiat: quia gravis de hac re in sacris Canonibus sententia est.

XVI.

Si quis presbyter inuentus fuerit alicui clero aut laico munera dare aut dedit, vt ecclesiam alterius presbyteri subripiat, sciat se pro hac rapina & sœua cupiditate aut gradum amissurum, aut in carceris ærumna longo tempore poenitentiam * agendi detinendum.

XVII.

Si parvulus ægrotans ad quemlibet presbyterum baptismi gratia de cuiuslibet parochia allatus fuerit, ei baptismi sacramentum nullo modo negetur. Si quis hoc munus petenti concedere detrectauerit, & ille parvulus abs-

Concil. Tom. 25.

Sff

que baptismatis gratia mortuus fuerit, nouerit se ille qui eum non baptizauerit pro eius anima rationem redditum.

XVIII.

Nullus sacerdos seu laicus præsumat calicem, aut patinam, aut quælibet vasa sacra, & diuino cultui mancipata, ad alias usus retorquere. Nam quicumque de calice sacrato aliud bibit præter Christi sanguinem qui in sacramento accipitur, & patinam ad aliud officium habet quam ad altaris ministerium, deterrendus est exemplo Baltassar, qui, dum vasa Domini in usus communes asumpsit, vitam pariter cum regno amisit.

XIX.

Si quis ex presbyteris voluerit nepotem suum, aut aliquem consanguineum, ad scholam mittere in ecclesiis quæ nobis concessæ sunt ad regendum, ei licentiam id faciendi concedimus.

XX.

Presbyteri per villas & vicos scholas habeant: & si quislibet fideliu[m] suos paruulos ad discendas literas eis commendare vult, eos suscipere & docere non renuant, sed cum summa caritate eos doceant, attendentes illud quod scriptum est: *Qui autem docti fuerint fulgebunt quasi splendor firmamenti: & qui ad iustitiam erudiunt multos, fulgebunt quasi stellæ in perpetuas æternitates.* Cum ergo eos docent, nihil ab eis precii pro hac re exigant, nec aliquid ab eis accipient, excepto quod eis parentes ex caritatis studio sua voluntate largientur.

XXI.

Cum ergo omnium sacrarum scripturarum paginæ instrumentis bonorum operum refertæ sint, & per sanctarum scripturarum campos possint inueniri arma quibus virtus comprimantur, & virtutes nutrientur; placuit tamen nobis huic nostro capitulario inserere sententiam cuiusdam patris de instrumentis bonorum operum, in qua magna breuitate quid agi, quid vetari debeat, continetur. In primis Dominum Deum diligere ex toto corde, tota anima, tota virtute: deinde proximum suum tamquam seipsum: deinde non occidere, non adulterari, non facere furtum, non concupiscere rem proximi, non

Dan. 12.

Præcepta
plurima.

falsum testimonium dicere, honorare omnes homines, & quod sibi quis fieri ab alio non vult, alii ne faciet: abnega-re semetipsum sibi, ut sequatur Christum, corpus castiga-re, delicias non amplecti, iejunium amare, pauperes re-creare, nudum vestire, infirmum visitare, mortuum sepe-lire, in tribulatione oppresso subuenire, dolentem consolari, a saeculi astibus se facere alienum, nihil amori Chri-sti præponere, iram non perficere, iracundiæ tempus non reseruare, dolum in corde non retinere, pacem falsam non dare, caritatem non derelinquere, non iurare, ne forte fiat perjurium, veritatem ex corde & ore proferre, & malum pro malo non reddere, iniuriam non facere, sed sibi & factam patienter sufferre, inimicos diligere, male-dicentibus sibi non remaledicere, sed magis benedicere, persecutionem propter iustitiam sustinere: non esse su-perbum, non vinolentum, non somnolentum, non mul-tum edacem, non pigrum, non murmurantem, non detra-ctorem, spem suam Domino committere, bonum aliquid in se cum viderit, Domino applicet, non sibi: malum ve-ro semper a se factum sciat, & sibi reputet; diem iudicii ti-mere, gehennam expauescere, vitam æternam omni con-cupiscentia spirituali desiderare, mortem quotidie ante oculos suspectam habere, aëtus vita sua omni hora custo-dire, in omni loco Deum se respicere, pro certo scire co-gitationes malas cordi suo aduenientes, mox ad Christum allidere, & seniori spiritali patefacere. Os suum a malo vel prauo eloquio custodire, multum loqui non amare, verba vana aut risui apta non loqui, risum multum aut excussum non amare, lectiones sanctas libenter audire, orationi frequenter incumbere, mala sua præterita cum lacrymis vel gemitu quotidie in oratione Deo confiteri, de ipsis malis de cetero emendare, desideria carnis non perficere, voluntatem propriam odisse, præceptis sacer-dotis & præceptoris in omnibus obedire, etiam si ipse ali-ter, quod absit, agat, memorans illa dominica præcepta, in quibus habetur: *Quæ dicunt facite, quæ autem faciunt no-* Matth. 25. *lite facere;* non velle dici sanctum, antequam sit, sed prius mereri sanctus esse, quod verius dicatur, præcepta Dei fa-cit quotidie adimplere, castitatem amare, nullum odisse, zelum & inuidiam non habere, contentionem non ama-

Concil. Tom. 25.

Sff ij

re, elationem fugere, & seniores venerari, iuniores diligere, in Christi amore pro inimicis orare. Cum discordantibus ante solis occasum in pacem redire, & de Dei misericordia nunquam desperare. Ecce hæc sunt instrumenta artis spiritualis, quæ cum fuerint a nobis die noctuque incessabiliter adimpleta, & in die iudicii reconsignata, illa merces nobis a Domino recompensabitur quam ipse promisit: *Quam oculus non vidit, nec auris audiuit, nec in cor hominis ascendit, quam preparauit Deus his qui diligunt eum.*

1. Cor. 2.

XXII.

Commonendi sunt fideles, ut generaliter omnes a minimo usque ad maximum orationem dominicam & symbolum discant: & dicendum eis quod in his duabus sententiis omne fidei Christianæ fundamentum incumbit. Et nisi quis has duas sententias memoriter tenuerit, & ex toto corde crediderit, & in oratione sapissime frequentauerit, catholicus esse non poterit. Constitutum namque est, ut nullus chrismetur, neque baptizetur, neque a lauacro fontis alium suscipiat, neque coram episcopo ad confirmandum quemlibet teneat, nisi symbolum & orationem dominicam memoriter tenuerit, exceptis his quos ad loquendum ætas minime perduxit.

XXIII.

Dicendum illis, ut singulis diebus qui amplius non potest saltem duabus vicibus oret, mane scilicet & vespere, dicens symbolum sive orationem dominicam: *Qui plasasti me miserere mei, vel etiam, Deus propitius esto mihi peccatori: & Domino gratias agens pro quotidiana vita combeatibus, & quia se ad imaginem suam creare dignatus sit, & a * peccatoribus segregare: his actis, & solo Deo creatore suo adorato, sanctos inuocet, vt pro se intercedere ad maiestatem diuinam dignentur, hæc facient quibus basilicæ locus prope est in basilica. Qui vero in itinere, aut pro qualibet occasione in siluis aut in agris est, vbi cumque enim hora matutina vel vespertina inuenierit, sic faciat, sciens Deum ubique præsentem esse, dicente Psalmista: In omni loco dominationis eius. Et: Si ascendero in cælum, tu ibi es, &c.*

Psal. 102.
Psal. 138.

XXIV.

Dies vero dominica, quia in eo Deus lucem condidit,

in eo mannam eremo pluit, in eo Redemptor humani generis sponte pro salute nostra mortuus resurrexit, in eo Spiritum sanctum super discipulos infudit, tanta esse debet obseruantia, ut praeter orationes, & Missarum solennia, & ea quae ad vescendum pertinent, nihil aliud fiat. Nam & si necessitas fuerit nauigandi, siue iter agendi, licentia datur, ita dumtaxat, ut ex occasione Missas & orationes non prætermittantur. Conueniendum est sabbato die cum luminaribus cuilibet Christiano ad ecclesiam: conueniendum est ad vigilias, siue ad Matutinæ officium: concurrendum est etiam cum oblationibus ad Missarum solennia. Et dum ad ecclesiam conuenitur, nulla causa dici debet vel audiri, nulla iurgia sunt habenda, sed tantummodo Deo vacandum est in celebratione videlicet sacrorum officiorum, exhibitione eleemosynarum; & in Dei laudibus cum amicis, & proximis, & peregrinis spiritualiter epulandum.

XX V.

Admonendi sunt, ut hospitalitatem diligent, & ut nulli hospitium præbere detrectent: & si cui forte hospitium præstiterint, nullam ab eo mercedem accipient; nisi forte ille qui recipitur sponte sua aliquid det, dicendumque illis qualiter multi per hospitalitatis officium Deo placuerunt, dicente Apostolo: *Per hanc enim placuerunt quidam 1. Petr. 1. Deo, angelis hospitio susceptis.* Et iterum: *Hospitales inuicem 1. Petr. 4. fine murmuratione.* Et ipse Dominus dicturus est in iudicio: *Hospes eram, & collegisti me.* Sciant sane quicumque *Matt. 25.* hospitalitatem amant, Christum se in hospitibus recipere, nam ille modus hospitalitatis non solum inhumnus, sed etiam crudelis est, quo nunquam hospes in domum ante recipitur, nisi prius dandi hospitii merces compensetur; & quod Deus agere iussit pro perceptione regni cœlestis, pro acquisitione terrenarum rerum agatur.

XX VI.

Prædicandum est etiam, ut periurium fideles caueant, & ab hoc summopere abstineant, scientes hoc grande scelus esse, & in lege & prophetis siue euangelio prohibitum. Audiuiimus enim quosdam paruipendere hoc scelus, & leuem quodammodo periuris poenitentia modum impone, qui nosse debent tales periuro poenitentiam impo-

Sff iij

nere debere, qualem & de adulterio, & de fornicatione, de homicidio, & de ceteris criminalibus vitiis. Si quis vero perpetrato periurio, aut quolibet criminali peccato, timens poenitentiae longam arumnam, ad confessionem venire noluerit, ab ecclesia repellendus est, siue a communione & confortio fidelium, vt nullus cum eo comedat neque bibat, neque oret, neque eum in sua domo recipiat.

XXVII.

Dicendum est eis vt a falso etiam testimonio se abstinent; scientes & hoc grauissimum scelus esse, & ab ipso Domino in monte Sinai prohibitum, dicente ipso Domino, *Non falsum testimonium dixeris: siue: Testis falsus non erit impunitus:* sciat se etiam quisquis hoc perpetrauit aut tali poenitentia purgandum, vt superius dictum est de periurio, aut tali damnatione aut excommunicatione damnandum, sicut superius insertum est. dicendumque illis est quod summa stultitia est, si quis pro cupiditate argenti & auri, aut vestimentorum, aut cuiuslibet rei, aut, quod creberrime contingere solet, propter ebrietatem, in tam grande scelus voluerit corruere; vt aut septem annis in arcta arumna sit, aut ab ecclesia repellendus, dicente Domino: *Quid prodest homini, si lucretur totum mundum, & animæ suæ detrimentum faciat:* quippe, cum aliis videatur pius existere, sibi met crudelis existat.

XXVIII.

Hortamus vos paratos esse ad docendas plebes: qui scripturas scit, prædicet scripturas; qui vero nescit, saltem hoc quod notissimum est pleibus dicat; vt declinent a malo, & faciant bonum, inquirant pacem; sequantur eam: quia oculi Domini super iustos, & aures eius in preces eorum: vultus autem Domini super facientes malum, vt perdat de terra memoriam eorum. Nullus ergo se excusare poterit, quod non habeat linguam, vnde possit aliquem ædificare; mox enim vt quemlibet errantem viderit, prout potest, & valet, aut arguendo, aut obsecrando, aut increpando, ab errore retrahat, & ad peragendum bonum opus hortetur: cum vero, Domino opitulante, ad Synodus in vnum conuenerimus, sciat nobis vnuſquisque dicere quantum, Domino adiuuante, laborauerit, aut quem

*Exod. 20.
Pren. 17.*

Marc. 8.

INCERTI AVCTORIS.

511

fructum acquisierit: & si quis forte nostro indiget adiutorio, nos cum caritate nihilo minus ei pro viribus adiutorium ferre differemus.

XXIX.

Admonere debet fideles, ut assiduitatem & studium habeant orandi; ipse autem orandi modus talis esse debet; Vt primo, dicto symbolo, quasi fidei suæ recensito fundamento, dicat, quisquis est, tribus vicibus, *Qui plas-
masti me, miserere mei;* & tribus vicibus, *Deus propi-
tius esto mihi peccatori.* Et compleat orationem dominicam. Si ergo locus aut tempus exierit, deprecetur sanctos apostolos, sive martyres, ut pro eo intercedant, & armata fronte signo crucis, eleuatis cum corde manibus & oculis, Deo gratias agat; si vero tempus ad hæc omnia peragenda minus sufficiens est, sufficiat tantum, *Qui plasma-
sti me, miserere mei;* Et, *Deus propitiarius esto mihi peccatori:* Ibidem.

& oratio dominica tantum cum gemitu & contritione cordis.

XXX.

Omnienim die Deo in oratione nostra, aut semel, aut bis, aut quando amplius possimus, confiteri debemus peccata nostra, dicente Propheta: *Delictum meum cognitum tibi
feci, & iniustias non abscondi: Dixi: Confitebor aduersum me ini-
usticias meas Domino, & tu redemisti impietatem peccati mei.* Fa-
cta etenim confessione cum gemitu & lacrymis Domino, in oratione recitandus est psalmus quinquagesimus, sive vigesimus quartus, sive vigesimus quintus, atque alii ad rem pertinentes, & sic complenda est oratio; quia confessio, quam sacerdotibus facimus, hoc nobis adminiculum affert, qui accepto ab eis salutari confilio, saluberrimis pœnitentiæ obseruationibus, sive * munitiis, peccatorum maculas diluimus. Confessio vera, quam Deo soli facimus, in hoc iuuat, quia quanto nos memores sumus peccatorum nostrorum, tanto horum Dominus obliuiscitur: & e contrario, quanto nos horum obliuiscimur, tanto Dominus reminiscitur, dicente eo per prophetam: *Et pec-
catorum tuorum non meminero.* Tu autem memor esto, quod David propheta fecisse testatur, cum dicit: *Quoniam ini-
quitatem meam ego cognosco, & peccatum meum coram me est
semper.*

O&ao;o pec-
cata prin-
cipalia.

Confessiones dandæ sunt de omnibus peccatis, quæ siue in opere, siue in cogitatione perpetrantur. Octo sunt principalia vitia, sine quibus vix ullus inueniri potest. Est enim gastrimargia, hoc est ventris ingluies; secundum, fornicatio; tertium, acedia, siue tristitia; quartum, auaritia; quintum, vana gloria; sextum, inuidia; septimum, ira; octauum, superbia. Quando ergo quis ad confessionem venit, diligenter debet inquiri, quomodo aut qua occasione peccatum perpetraverit quod peregisse confitetur; & iuxta modum facti debet ei poenitentia indicari. Debet ei persuaderi ut de peruersis cogitationibus faciat confessionem, & nominatim debet ei sacerdos unum quodque vitium dicere, & suam de eo confessionem accipere.

XXXII.

Matth. 25.
Ioas. 6.

Esurientes satiandi sunt, sitiens potandi, nudi operiendi, infirmi, & qui in carcere sunt, visitandi, & hospites colligendi, dicente Domino: *Esuriui enim, & dedisis mihi manducare, &c.* nam hæc omnia & in se quisque debet specialiter agere, & in aliis temporaliter adimplere, quia pene nihil possunt hæc omnia proficere ad vitam æternam capessendam, si luxuriose, superbe, inuide, & (ne singula replicem) si vitiose & inordinate quis viuat, & ceteris bonis operibus non vacet: qui ergo videt se Christum non habere, qui dixit: *Ego sum panis viuus qui de cœlo descendit, & caritatem quæ est pastus animæ non habet, esurit quidem: sed si semper bona opera Christo adiungit, & caritatis se dulcedine replet, esurientem omnino semper pauit: qui se videt doctrina Spiritus sancti, & scripturarum sanctorum fluentis carere, sitiens est: sed si se fluentis verbi Dei irriget, & mentem suam spiritalis poculi dulcedine inebriet, iste se sitientem potauit; qui induit se iustitia sine ceteris virtutibus, nudum se procul dubio vestit, si in lecto vitiorum suorum iacet, & morbo iniquitatis suæ laborat, & funibus peccatorum suorum constrictus est, & vitiorum obsitus pariete, & in tenebris iniquitatis suæ est, infirmus quidem est: sed si de lecto vitiorum per confessionem egreditur, & per poenitentia lamenta vinculis peccatorum absoluitur, & ad lu-*

cem

cem bonorum operum egreditur, infirmum & in carcere positum se procul dubio visitat. Sin huius vitæ via videt se laborare, & vitiorum procella quasi quadam aeris intemperie inquietari, & receptaculum bonorum operum non habere, sciat se in itinere positum hospitio egerre. At si se ad virtutum domum ducat, & sese in earum tutamine receptet, hospitem quidem suscepit, quæ omnia sibi spiritualiter exhibet, Christum in se, cuius ipse membrum est, pascit, potat, vestit, visitat ac suscipit.

XXXIII.

Admonendi sunt fideles sanctæ Dei ecclesiæ, vt filios suos & filias suas doceant parentibus obedientiam exhibere, dicente Domino: *Fili, honorifica patrem tuum*: nam & Exod. 10. ipsi parentes erga filios suos ac filias modeste debent agere, dicente Apostolo: *Et vos parentes nolite ad iracundiam provocare filios vestros*: & hoc dicendum est eis, vt si illi genitali affecti parcere velint iniuriis filiorum, non has impune Dominus sinit, nisi forte digna pœnitentia exhibeat: & quia leuius est filii parentum quælibet flagella suscipere, quam Dei iram incurrere.

XXXIV.

Admonendus est populus, quod hæc sit vera caritas, quæ Deum diligit plusquam se, & proximum tamquam se; quæ nihil vult alii facere, nisi quod sibi vult fieri; & plura quæ recensere longum est: nam quicumque in potu, & cibo, & dandis atque accipiendis rebus caritatem putant, non mediocriter errant, dicente Apostolo: *Regnum Dei non est cibus & potus*; nam & ipsa quando cum caritate fiunt, bona sunt, & inter virtutes computanda sunt.

XXXV.

Admonendi sunt qui negotiis ac mercationibus rerum inuigilant, vt non plus terrena lucra quam vitam cupiant sempiternam. Nam qui plus de rebus terrenis quam de animæ suæ salute cogitat, valde a via veritatis aberrat, & iuxta quemdam sapientem, in * vita sua perdidit intimam sui: sequendus est in hac parte, sicut in ceteris, apostolicus sermo, qui ait: *Et ne quis supergrediatur neque circumueniat in negotio proximum suum: vindicta enim Deus de his*

* lege via Concil. Tom. 25.

Ttt

1. Thess. 4.

omnibus: sicut enim ab his qui labore agrorum, & ceteris laboribus victum atque vestimentum querunt, & necessaria visib[us] humanis acquirere inhiantes instant, decimæ & eleemosynæ dandæ sunt; ita his quoque qui pro necessitatibus suis negotiis insistunt faciendum est. Vnicuique enim homini Deus dedit artem qua pascitur, & vnuquisque de arte sua, de qua corporis necessaria subsidia habet, animæ quoque, quod magis necessarium est, subsidium administrare debet.

XXXVI.

Hebdomada prima ante initium quadragesimæ confessiones sacerdotibus dandæ sunt, poenitentia accipienda, discordantes reconciliandi, & omnia iurgia sedanda, & dimittere debent debita inuicem de cordibus suis,

Math. 6. vt liberius dicant: *Dimitte nobis debita nostra, sicut & nos dimittimus debitoribus nostris;* & sic ingredientes in beatæ quadragesimæ tempus, mundis & purificatis mentibus ad sanctum pascha procedant, & per poenitentiam se renouent, quæ est secundus baptismus. Sicut enim baptismus peccata, ita & poenitentia purgat; & qui post baptismum peccat, denuo non potest baptizari; hoc medicamentum a Domino poenitentiæ datum est, vt per eam vice baptismi peccata post baptismum diluantur. Septem enim modis peccata dimitti scripturæ sanctæ demonstrant. Primo enim in baptisme, quod propter remissionem peccatorum datum est. Secundo, per martyrium, iuxta illud quod ait Psalmista: *Beatus cui non imputauit Dominus peccatum:* quia iuxta eiusdem David sententiam, remittuntur peccata per baptismum, teguntur per poenitentiam, non imputantur per martyrium. Terzio, per eleemosynam, iuxta Danielem, qui profano

*Peccata se-
ptempliciter
dimittun-
tur.*

Psal. 31. *Psalmista: Beatus cui non imputauit Dominus peccatum:* quia iuxta eiusdem David sententiam, remittuntur peccata per baptismum, teguntur per poenitentiam, non imputantur per martyrium. Terzio, per eleemosynam, iuxta Danielem, qui profano

Daniel. 4. Nabuchodonosor ait: *Peccata tua eleemosynis redime in misericordiis pauperum.* Et illud: *Ignem ardenter extinguit aqua, & eleemosyna extinguit peccata.* Et Dominus in euangelio: *Verumtamen date eleemosynam, & ecce omnia munda sunt vobis.*

Eccl. 5. *Quarto, si remittat quis peccanti in se peccata sua, iuxta illud: Dimitte, & dimittetur vobis. Da-*

Luc. 11. *te, & dabitur vobis.* Et illud: *Sic & Pater uester dimittet vobis peccata vestra, si remiseritis unicuique de cordibus ve-*

Marc. 11. *stris.* Quinto, si per prædicationem suam quis, & bono-

rum operum exercitium alios ab errore suo conuertat,
iuxta illud quod ait apostolus : *Quoniam si conuerti fecerit Iacob. 5.*
quis peccatorem ab errore viae suae, saluabit animam eius a morte, & cooperiet multitudinem peccatorum. Sexto, per carita-
tem, iuxta illud : *Caritas Dei cooperiet multitudinem peccato-* *rum per Iesum Christum Dominum nostrum.* Septimo, per poe-
nitentiam, iuxta quod ait Dauid : *Conuersus sum in aerum-* *Psal. 31.*
na mea, dum configitur spina.

XXXVII.

Ipsa autem quadragesima cum summa obseruatione custodiri debet, ut iejunium in ea, præter dies dominicos, qui abstinentiæ subtracti sunt, nullatenus resoluatur; quia ipsi dies, decimæ sunt anni nostri, quos cum omni religione & sanctitate transire debemus : nulla enim in his occasio sit resoluendi iejunii, quia alio tempore solet iejunium caritatis causa dissolui, isto vero nullatenus debet, quia alio tempore iejunare in voluntate & arbitrio cuiuslibet positum est : in hoc vero non ieunare, præceptum Dei transcendere est : & in alio tempore iejunare, præmium abstinentiæ acquirere est : in hoc vero, præter infirmos aut paruulos, quisquis non ieunat, poenam sibi acquiret ; quia eosdem dies Dominus per Moysen, & per Eliam, & per semetipsum sacro ieunio consecravit.

XXXVIII.

Diebus vero iejunii eleemosyna facienda est, & ci-
bum siue potum, quo quisque vti debuit, si non ieunaret, pauperibus eroget; quia iejunare, & cibos prandii ad coenam reseruare, non mercedis, sed ciborum est incre-
mentum.

XXXIX.

Solent plures qui se iejunare putant, mox vt signum au-
dierint, ad horam nonam manducare ; qui nullatenus ie-
junare credendi sunt, si manducauerint antequam vesper-
tinum celebretur officium : concurrendum est enim ad Missas, & auditis Missarum solennibus, siue vespertinis officiis, largitis eleemosynis, ad cibum accedendum est. Si vero aliquis necessitate constrictus fuerit, vt ad Missam conuenire non valeat, estimata vespertina hora, completa oratione sua, iejunium absoluere debet.

Concil. Tom. 25.

Ttt ij

XL.

Abstinentia vero in his diebus pene omnium deliciarum esse debet, & sobrie & caste viuendum. Qui vero ouis, caseo, piscibus, vino abstinere potest, magnæ virtutis est : qui autem his, aut infirmitate interueniente, aut quolibet opere, abstinere non potest, vtatur tantum , vt ieunium vsque ad vesperam solemnitatem celebret ; & vinum non ad ebrietatem, sed ad refectionem corporis sui sumat. A caseo vero, lacte, butyro & ouis abstinere & ieunare dementissimum est, & ab omni ratione esse semotum : vinum enim pro ebrietate & luxuria prohibitum est, non lac & oua: non enim ait Apostolus, Nolite comedere lac & oua, sed, *Nolite inebriari vino, in quo est luxuria.*

XL I.

Singulis diebus dominicis in quadragesima , præter hos qui excommunicati sunt , sacramenta corporis & sanguinis Christi sumenda sunt. Et in cœna Domini , vigilia paschæ, & in die resurrectionis Domini , penitus ab omnibus hominibus communicandum est. Et ipsi dies paschalis hebdomadæ omnes æquali religione colendi sunt.

XL II.

In his ieuniorum diebus nullæ lites, nullæ contentiones esse debent, sed in Dei laudibus , & in opere necessario persistere: dum arguit enim eos qui contentiones & lites quadragesimæ tempore construunt, & qui debita a debitoribus exigunt, Dominus per prophetam dicens : *Ecce in die ieunii vestri inueniuntur voluntates vestræ, & omnes debitores vestros repetitis : ecce ad lites & contentiones ieunatis, & percutitis pugno impie.*

XL III.

Abstinendum est enim in his sacratissimis diebus a coniugibus, & caste & pie viuendum, & sanctificato corde & corpore isti sancti dies transfigantur, & sic perueniantur ad diem sanctum paschæ; quia pene nihil valet ieunium quod coniugali macula vel opere polluitur, & quod orationes, vigiliae, eleemosynæ non commendant.

XL IV.

Admonendus est populus vt ad sacrosanctum sacramentum corporis & sanguinis Domini nequaquam indif-

*Vinum in
ieiuniis
prohibi-
tum, non
lac & oua.
Ephes. 5.*

ffaria 58.

ferenter accedat, nec ab hoc minime abstineat, sed cum omni diligentia atque prudentia eligat tempus, quando aliquamdiu ab opere coniugali abstineat, & vitiis se purget, virtutibus exornet, eleemosynis & orationibus insitiat, & sic ad tantum sacramentum accedat: quia sicut periculosest, impurum quemque ad tantum sacramentum accedere, ita etiam periculosest ab hoc prolixo tempore abstinere, sola ratione eorum qui excommunicati, non quando eis libet, sed certis temporibus communicant, & religiosis quibusque sancte viuentibus, qui pene omni die id faciunt.

XLV.

Vt & Missæ quæ per dies dominicos peculiares a sacerdotibus fiunt, non ita in publico fiant, vt per eas populus a publicis Missarum solennibus, quæ hora tertia canonice fiunt, abstrahatur; quia pessimus usus est apud quosdam, qui in diebus dominicis, siue in quibuslibet festiuitatibus mox Missam celebrare etiam pro defunctis si audierit, abscedit, & per totum diem a primo mane ebrietati & comeditioni potius quam Deo deseruit; admonendus est populus, vt ante publicum peractum officium ad cibum non accendant, & omnes ad publicam sanctam matrem ecclesiam Missarum solennia & prædicationem audituri conueniant; & sacerdotes per oratoria nequaquam Missas nisi tam caute ante secundam horam celebrent, vt populus a publicis solennibus non abstrahatur; sed diversi sacerdotes, qui in circuitu urbis, aut in eadem urbe sunt, siue populus, (vt prædictimus) in unum ad publicam Missarum celebrationem, conuenient, exceptis Deo sacrificiis feminis, quibus mos est ad publicum non egredi, sed claustris monasterii contineri.

ANNO CHRISTI LEGES ECCLESIASTICÆ

S. EDVWARDI REGIS ET CONFESSORIS

e sæcularibus suis depromptæ.

TITVL LI LEGVM ECCLESIASTICARVM.

- I. *De clericis & possessionibus eorum.* II. *De temporibus & diebus pacis regis.*

Titl iij